

不空罽索神變真言經卷第八 必八

唐南天竺三藏法師菩提流志奉詔譯

三三昧耶像品第九

世尊若苾芻苾芻尼淨信男淨信女欲脫一切龍趣藥叉趣羅刹趣阿素洛趣地獄趣餓鬼趣傍生趣者應當修治不空罽索心王母陀羅尼真言三昧耶廣大解脫蓮華曼拏羅印三昧耶不空罽索觀世音像成就智嚴三三昧耶三摩地清潔如法純金造像三面六臂正面熙怡左面顰眉努目張口狗牙上出右面顰眉努目合口首戴寶冠冠有化佛一手執蓮華一手執罽索一手把三叉戟一手執瓶一手施無畏一手揚掌結跏趺坐坐蓮華座其座上天諸衣服寶瓔鏤釧種種莊嚴像腹內空以白栴檀香末龍腦香末和佛

舍利內像腹中於像左邊作真言者長跪而坐手執香鑪瞻仰於像持斯法者應於有情起大悲心發菩提心作是不空罽索觀世音像者得成無量菩提善根何況廣大具修是法而不最上得大成就世尊是人當得覩見八十八苑伽沙俱胝那庾多百千如來應正等覺恭敬供養種諸善根除滅十惡五逆四重之罪治潔身服食三白食真言加持淨水灑身如法作法隨心作壇純鬱金香泥塗曼拏羅中以朱砂圖畫二肘一百八葉開敷蓮華又繞蓮華畫蓮華鬘貫穿相繳標式界道其蓮臺上黃綠高座當其座上置像面西黃闕伽瓶滿盛白栴檀香鬱金香水置於座前當以數珠盤置瓶上四角置香水瓶四門置闕伽水水上汎華四門壇心各置香鑪燒焯

香王以妙香華三白飲食布設供養四面然  
列酥燈油燈持真言者以心置心觀自心  
作於一切諸佛如來廣大出生殊勝尊妙五  
股金剛杵三摩地出金色光照融一切種種  
結護誦奮怒王真言觀置十方一切諸佛放

六八

二

金色光照沃身心清淨無垢明見無障一時  
禮拜又禮於我結印啓召十方一切如來種  
種神通光明加被亦憶念我種種神通光明  
加被結跏趺坐如我像相心處月輪炳現百  
數金光綫字結數珠印以一切如來金剛法  
性大法音三摩地聲誦持母陀羅尼真言祕  
密心真言一一字聲若金蓮鬘光焰圍繞功  
數滿時壇地震動十方諸佛一時現前金像  
頂上放大光焰於光明中出大梵聲唱言善  
哉善哉善男子時真言者聞聲讚者又誦母

陀羅尼真言祕密心真言二三七遍持真言  
者身上出現大光明焰當見金像變身伸手  
摩頂與證一切如來觀察三摩地成就不空  
腎索真言明仙三昧耶見於十方刹土一切  
如來加持一切如來廣大善根具足圓滿又

誦母陀羅尼真言祕密心真言一百八遍觀  
世音菩薩現真淨身授與一切廣大成就清  
淨蓮華腎索三昧耶阿彌陀佛現前讚言善  
哉善哉持真言者汝今供養不空腎索觀世  
音像者乃當承事供養六十四千如來所植

六八

三

種善根時真言者得滅一切貪瞋嫉妬蓋障  
諸病一切勝願相應圓滿淨居天子伊首羅  
天子摩醯首羅天子大梵天子乃至諸天常  
觀擁護世尊是不空腎索觀世音銀像成就  
三昧耶形貌例前純銀鑄造隨心如法作曼

拏羅以白栴檀香泥摩潔壇地中以白栴檀  
香泥熏陸香泥圖畫二肘一百八葉開敷蓮  
華又繞蓮華畫蓮華鬢貫穿相繳標式界道  
其蓮臺上嚴白綵座座上置像像面向南白  
闕伽瓶滿盛白栴檀香水置於座前當以數  
珠盤置瓶上四角四門置闕伽香水水上汎  
華以白香華三白飲食酥油燈明敷獻供養  
燒焯香王供養結界持真言者每時如法當  
如像觀種種結護誦奮怒王真言觀置十方  
一切如來放白光明照沃身心清淨無垢明  
見無障一時禮拜又禮於我結印啓召十方  
一切如來種種神通光明加被亦憶念我種  
種神通光明加被如我像相結跏趺坐心處  
月輪炳現百數白光綫字結誦念印左手仰  
當心前五指散伸微屈若開蓮華右手搯珠

以一切如來無上靜慮三摩地聲誦持母陀  
羅尼真言祕密心真言一字聲若白蓮鬢  
光焰圍繞功數滿時壇地震動從於東方空  
中聲來讚言善哉善哉清淨者持真言者聞  
聲之時誦持母陀羅尼真言祕密心真言證  
獲不空胃索心王母陀羅尼真言三昧耶身  
心輕適人民恭敬大梵天帝釋天那羅延天  
大自在天四天王天水天風天火天日天月  
天乃至諸天焰摩王娑伽羅龍王難陀龍王  
優婆難陀龍王一切諸龍皆盡祐護一切人  
民讚喻供養世尊是不空胃索觀世音鑰鈿  
像成就三昧耶形相例前純赤鑰鈿鑄造莊  
嚴作曼拏羅白栴檀香泥摩潔壇地中純紫  
檀香泥白栴檀香泥圖畫二肘一百八葉開  
敷蓮華又繞蓮華畫蓮華鬢貫穿相繳標列

界道其蓮臺上嚴置寶座置像面東寶闕伽  
瓶滿盛香水置於座前如上敷飾種種供養  
燒焯香王供養結界獻赤香華當如像觀如  
法結護誦持奮怒王真言觀置十方一切如  
來放大火光照沃身心明見無礙一時禮拜  
結印請召十方一切如來種種神通光明加  
被亦憶念我種種神通光明加被作是思惟  
我今此身與一切觀世音菩薩身等同無異  
又復觀察諸法實性體同無異願諸有情以  
諸佛法嚴飾身心我今所誦陀羅尼真言音  
聲光明令諸有情悉皆得聞滅諸罪垢起大  
悲心緣念十方一切世界所有一切地獄界  
一切餓鬼界一切傍生界所有一切受苦有  
情以一切如來無上清淨調伏煩惱三摩地  
聲誦母陀羅尼真言祕密心真言一字聲

若日光鬘照融一切朗徹十方一切世界一  
切苦趣功數滿時壇地震動空中出聲讚言  
善哉善哉清淨者證不空王溥遍出生光明  
三摩地是時十方一切世界一切地獄趣一  
切餓鬼趣一切傍生趣一時震動遇大光明  
出大吼聲除滅彼諸一切有情種種罪苦一  
時解脫捨惡趣身則得生天乃至菩提不墜  
惡趣如是由是持真言者所有罪咎應受地  
獄種種苦者自然消滅得身口意內外清淨  
復請十方一切諸佛菩薩金剛種種神通光  
明加被又請我一切神通光明加被廣發弘  
願起大悲心誦持母陀羅尼真言祕密心真  
言一字聲光明照徹地下十方一切黑闇  
世界滿一百八遍以真言力能令地下十方  
一切黑闇世界一切有情遇大光明一時捨

於無明業身生觀世音七寶宮殿同證溥遍  
出生光明三摩地壽命無量終至菩提世尊  
是不空罽索觀世音香像成就三昧耶等數  
當以白梅檀香沉水香鬱金香甘松香龍腦  
香麝香一切諸香相和末治等數當以薰陸  
香白膠香乾闥羅娑香和煎取汁和合香末  
眞言加持一百八遍又重擣治圖素不空罽  
索觀世音菩薩一面四臂面目熙怡首戴寶  
冠冠有化佛一手執蓮華一手持罽索一手  
執三叉戟一手揚掌結跏趺坐天諸衣服珠  
璣鑲釧而莊嚴之披鹿皮衣右多羅菩薩熙  
怡瞻仰左手執持青優鉢羅華若手仰伸膝  
上中指大拇指頭相捻半跏趺坐左無垢慧  
菩薩熙怡瞻仰左手仰伸臍下右手揚掌半  
跏趺坐座下右邊不空奮怒王一面四臂面

目瞋怒首戴月冠冠有化佛一手持罽索一  
手把劍一手執三叉戟一手執蓮華半跏趺  
坐頂上阿彌陀佛作說法相結跏趺坐各以  
天諸七寶冠衣珠璣鑲釧種種莊嚴佩通身  
光同坐金銅蓮華樹座其樹枝葉蓮華如法  
莊嚴作五肘曼拏羅香泥摩飾開廓院界內  
院中心四方四維開敷蓮華東面蓮臺置不  
空罽索神執持罽索合掌瞻仰長跪而坐餘  
蓮臺上當置諸印外院東門置摩醯首羅天  
南門置焰摩王西門置水天北門置伊首羅  
天皆半跏趺坐須彌寶座四面四維置諸印  
相標式界道置像面東種種旛華而莊飾之  
以五色線作五股罽索長十六肘合法同上  
一頭繫金環一頭繫眞珠環如法盤置不空  
罽索神前以塗香末香塗散索上淨帛蓋上

其院四門四維像前置闍伽香水燒焯香王  
以諸香華三白飲食如法奉獻四面然獻酥  
燈油燈東門作法結護一切誦持奮怒王真  
言觀置十方一切如來放衆色光照沃身心  
明見無礙一時禮拜起大悲心以一切如來  
無上菩提金剛論三摩地聲誦持母陀羅尼  
真言祕密心真言一字聲若金光鬢先持  
像索或真言加持白芥子先打索上功數滿  
時其臂索上便放衆光光中出聲讚言善哉  
善哉持真言者今得成就不空如意臂索三  
昧耶是索能成出世世間一切三昧耶時真  
言者闍伽供養發無上願左手執索右手拈  
珠誦持母陀羅尼真言祕密心真言滿一百  
八遍觀世音像上放大香雲周徹一踰膳那  
諸有有情聞香氣者皆滅過現種種障惱持

真言者身出火光證旃暮伽王身口意淨神  
通三昧耶當捨身已而爲一切真言明仙最  
中之最生安樂國乃至無上正等菩提更不  
退轉是像臂索盛淨篋中置清淨處每日以  
諸香華供養若有有情觸斯人者便得除滅  
一切垢障若有有情覩斯像者亦令除滅一  
切罪障真言加持蘇曼那華擲獻菩薩一百  
八遍一切人民讚歎供養若有國土刀兵競  
起驚亂不安應當如法作曼拏羅圖畫像印  
中置香像以諸香水香華三白飲食敷設供  
獻燒焯香王供養誦持奮怒王真言加持白  
芥子散爲結界結奮怒王印面目瞋怒誦持  
母陀羅尼真言祕密心真言滿七日夜或三  
七日或五七日國中刀兵自然散壞是法亦  
能破壞阿素洛軍何況世間兵賊謀叛而不

散壞若加持蓮華稱天帝釋名供養菩薩一千八莖杜仲木然火加持白芥子安悉香稱天帝釋名燒焯供養一千八遍其天帝釋將諸眷屬一時現身若見之時當如願乞惟除自位若加持安悉香稱那羅延天名燒焯供養菩薩一千八遍并加持白芥子水散那羅延天像頭上則得現身若見之時當乞一切幻化法門時那羅延天則與授諸幻化法門即得變身如那羅延身若加持香水香華供養大自在天像側觀大自在天像面於右耳邊真言加持稱大自在天名一千八遍像目動搖出聲唱言善哉善哉其大自在天將諸眷屬一時現身時真言者當如願乞皆得滿足若摩訶迦羅像前加持安悉香稱摩訶迦羅名燒一千八遍并以嚕地羅置前供養并

加持白芥子散於像上則得摩訶迦羅鬼子母藥叉羅刹一時現身而作使護若十六日初夜中夜後夜於諸天像前加持安悉香稱羅室囉禰嚩哆神名一千八遍則得夜天神藥叉羅刹乾闥婆緊那羅摩呼羅伽一切非

人一時現身各持其物奉真言者任爲命事作一切法夜常祐護修此法者常淨浴身著淨衣服恒不謾談世間言論但發悲心憐愍有情每日如法誦念翫持所作成就

護摩安隱品第十

世尊是不空王護摩三昧耶與於有情作大安隱降伏一切擁護有情除諸灾障若護宅者當以蓮華一千八莖塗黑芥子油誦持母陀羅尼真言祕密心真言奮怒王真言加持護摩即除宅中一切灾疾一切天神觀世音

菩薩而擁護之又加持白芥子安悉香牛酥於七日中護摩之者則得擁護城邑聚落一切人民若白月十五日加持白華畢里陽愚藥多誡羅藥黑芥子油護摩一百八遍一切貴人敬而喜之若加持牛膝草白華酥酪蜜護摩一百八遍供養菩薩見諸人民愛而敬之若白月八日加持酥蜜塗蓮華上護摩供養獻我之者滿七日夜則得財寶若以佉陀羅木然火加持蓮華葉莖拘物頭華白芥子酥護摩一百八遍不爲一切妬齋魔障毗那夜迦而相燒惱若白月八日加持白栴檀香畢履陽愚華子稻穀華白芥子酥護摩一千八遍供養菩薩至十五日夜其藥訖使尼捧持銀錢五百相惠若黑月八日於河岸边淨浴身服於初夜時加持木瓜木截治然火加

持木瓜華酥蜜護摩稱藥訖使尼名燒焯記滿一千八遍至月盡日晝夜不食如法護摩其藥訖使尼瓔珞嚴身現身而來捧持寶箱而相奉施若見之時特勿受取亦勿共語瞻視他好當自正心瞋怒奮聲誦持真言便棄寶箱合掌禮拜白真言者願施歡喜持真言者是時奮聲誦持奮怒王真言二十一遍便自不現後若須者當於半夜一誦真言一稱藥訖使尼名滿一百八遍則自現前任爲使直若黑月十四日於伏藏處如法置像以諸香華三白飲食敷設供養十八加持蘇曼那華蓮華荷葉白芥子酥護摩一千八遍又加持白芥子水右手掬持散伏藏地上滿一千八遍伏藏寶物則便相現真言者取分爲二分一分給施一切三寶一分自用又加持稻穀糠



鹽護摩一百八遍見諸外道歡喜供養若白  
月十五日一日一夜不食不語以諸華香敷  
設獻我加持白梅檀香蓮華酥蜜護摩一千  
八遍夜夜當得金錢百文唯通供養一切三  
寶若加持波羅奢木木楹木栢木截治然火  
加持沉水香白梅檀香稻穀華酥蜜護摩萬  
遍得金萬兩分爲三分一分供養一切三寶  
一分寫經造像一分自用布施貧窮孤老病  
人特莫貯積若貯積者則不復得若白月十  
五日一日一夜不食不語入東流河中水當  
至腰面東瞋怒加持白芥子打水中一百八  
遍則於水中現一童女拱持七寶而相奉惠  
當即受取分爲三分一分供養觀世音菩薩  
一切三寶一分自用一分布施貧下之人又  
白月十五日以諸香華飲食敷獻供養觀世

音菩薩加持牛膝草白膠香酥蜜自稱已名  
護摩一千八遍則除一切病惱怨難又杜仲  
木然火加持白芥子安悉香酥護摩一千八  
遍則得消滅十惡五逆一切災障又加持稻  
穀華白梅檀香白芥子酥乳護摩一千八遍  
當得財寶而自豐饒又黑月八日加持棘針  
木截治然火加持躑躅華薑根黑芥子油護  
摩一千八遍則得阿毗柁嚕迦調伏成就又  
加持蓮華白梅檀香白芥子酥護摩一千八  
遍則得大雨溥洽充足若霖雨者加持祈雨  
火食灰遍散十方雨則晴止又加持祈雨灰  
散於十方則成結界又加持祈雨灰逆風散  
者風則止息又龍窟前藥叉窟前加持蘇枋  
木塗酥護摩一千八遍窟門自開入無障礙  
若深山中加持拘勿頭華多識攤藥白芥子

酥護摩一千八遍其諸藥精現身而來任所  
採取又加持木瓜截治然火加持胡椒酥  
護摩一千八遍其大梵天帝釋天那羅延天  
大自在天現身護念當見之時而乞諸願悉  
皆滿足又加持酥曼那華揭拏迦羅華優鉢  
羅華酥護摩一千八遍其日天月天一時現  
前放大光明照祐加被得大神通又加持皂  
莢木截治然火加持茴香子天門冬蘇枋木  
末白栴檀香末白芥子大麥牛酥護摩七日  
得利帝利王族僕從悉除障苦又加持白芥  
子杭米薑根護摩千遍得諸藥又羅刹擁護  
順伏如上等法所欲作者皆結不空罽索印  
奮怒王印誦母陀羅尼真言祕密心真言奮  
怒王真言齊互雙用則得成就  
清淨無垢蓮華王品第十一

世尊是不空王像卷八三昧耶當以白氎或細布  
上或復綃上方圓四肘或方八肘畫匠畫時  
一出浴以香塗身著淨衣服食三白食寂  
然斷語受八齋戒蓋筆彩色皆令淨好勿用  
皮膠調和彩色當中畫七寶補陀洛山其山  
腰像須彌山腰山巔九觜猶若蓮華當中觜  
狀如蓮華臺山上畫諸寶樹華果一切藥草  
山下大海水中魚獸水鳥之類當中觜上七  
寶宮殿種種莊飾其宮殿地衆寶所成殿中  
置寶蓮華師子座其上不空罽索觀世音菩  
薩一面三目一十八臂身真金色結跏趺坐  
面貌熙怡首戴寶冠冠有化佛二手當胷合  
掌二手當臍倒垂合掌以二大拇指雙屈掌  
中二手心下合腕左手五指各散微屈像開  
蓮華右手大拇指與中指頭相捻其頭指無

名指小指各散微屈二手臍下結胃索印一  
手把三叉戟一手執寶幢一手持開蓮華一  
手執不空梵夾一手把胃索一手執金剛鉤  
一手施無畏一手執君持一手持寶瓶一手  
掌寶華盤披鹿皮衣七寶瓔珞天諸衣服寶  
珠鏢釧而莊飾之佩身光焰不空胃索觀世  
音右多羅菩薩左手仰掌臍下執青優鉢羅  
華右手揚掌微斜低頭半跏趺坐後毗俱胝  
觀世音菩薩眉間一目身有四臂一手把開  
蓮華一手執澡罐一手臍下仰掌一手把數  
珠半跏趺坐後大白身觀世音菩薩左手把  
開蓮華右手臍下仰掌半跏趺坐後度底使  
者青身瞋怒狗牙上出首戴鬪髻半跏八臂  
左一手執三股金剛杵一持青蓮華一執三  
叉戟一手揚掌右一手執劍一執鉞斧一執

曲刀一執胃索瞻仰菩薩不空胃索觀世音  
左無垢慧菩薩左手執蓮華右手揚掌半跏  
趺坐後眞言者胡跪瞻仰手執香爐後不空  
奮怒王面目瞋怒身有四臂一手把胃索一  
手執劍一手拄三叉戟一手執蓮華半跏趺  
坐髮如旋螺後白衣觀世音母菩薩左手膊  
脇胫上仰掌執不開蓮華右手側揚掌半跏  
趺坐後一髻羅刹女使者青身瞋怒蛇瓔珞  
出首戴鬪髻半跏六臂左一把三股金剛杵  
一持蓮華一持胃索右一執鉞斧一執金剛  
杖一執三叉戟瞻仰菩薩不空胃索觀世音  
座下左置大頂金剛左手把三股金剛杵右  
手胃側揚掌結跏趺坐後阿室理眞言明仙  
苾理俱眞言明仙你羅縵眞言明仙各手執  
華於荷葉上長跪而坐瞻仰供養不空胃索

觀世音座下右置執金剛祕密主菩薩左手  
執獨股金剛杵右手把白拂結跏趺坐後窟  
縫真言明仙瑟訛真言明仙驕答摩真言明  
仙各手執華於荷葉上長跪而坐瞻仰供養  
其諸菩薩顏貌熙怡坐蓮華座七寶華冠瓔  
璫鏤釧天妙綺服種種莊飾其宮殿外山左  
甯上置帝釋天俱廢囉天娑婆麼天毗摩夜  
天地天神苗稼天神半跏趺坐其宮殿外山  
右甯上置大梵天功德天辯才天水天焰摩  
王半跏趺坐其山半腰左右置四天王各執  
器仗半跏趺坐以妙衣甲種種莊飾宮殿外  
上左右置苦行仙衆形體枯瘦作讚歎相宮  
殿外右上置日天子後淨居天子伊首羅天  
子持華供養宮殿外左上置月天子後摩醯  
首羅天子諸天天子持華供養其諸天仙華

鬘衣服寶珠瓔珞種種莊嚴宮殿外直上置  
阿彌陀佛釋迦牟尼佛世間王如來作說法  
相結跏趺坐寶師子座乘種種色雲其大海  
岸作七寶山山上種種寶樹華果其諸樹上  
有種種色藤枝華葉山間亦有池沼河澗水  
中具有蓮華拘勿頭華芬陀利華優鉢羅華  
山上亦有師子白象一切鳥獸宮盤茶鬼藥  
叉羅刹等繞其山脚有五空窟山下海中左  
右五小七寶山甯於五甯上各置龍王狀如  
天神頭上出蛇龍頭一一蛇頭一三蛇頭一  
五蛇頭一七蛇頭一九蛇頭各捧寶華半跏  
趺坐瞻仰供養四面小山種種莊嚴此像是  
斯補陀洛山寶宮殿會不空罽索觀世音菩  
薩摩訶薩身若有有情信心清淨暫瞻仰者  
則如見我得滅一切垢障重罪何況宿植清

